

Q. R. 52726.

B. M. T. 490

*De vitis ^{IV} celeb. Mathematic. Joan. Wall
March. Hospitalii Jo. Christoph. Sturmii Et Jo. Heud.*

L. D. B. V.

AD

SOLENNEM PANEGYRIN,

Qua

Die proximo Saturni post horam octavam matutinam

IX VIRI-JUVENES DOCTISSIMI

Honorum Academicorum primitiis,

Quas

PRIMAM

In

PHILOSOPHIA
LAVREAM

VOCANT,

More consueto decorabuntur,

MAGNIFICUM ACADEMIÆ RECTOREM,

UTRIUSQUE REIPUBLICÆ PROCERES ET
ACADEMIÆ CIVES DECENTER INVITAT

FACULTATIS PHILOSOPHICÆ

DECANUS.

10.

II n
9470



SOLENNEM PANEGYRI

IX VIRI-JUVENES DOCTISSIMI
HONORIS ACADEMICUM PRIMUM

PRIMAM

PHILOSOPHIA



MAGISTRUM AD R. EX TORN
LITURGICAE REVERENDISSIMOS ET
FACULTATIS PHILOSOPHICAE

DECANUS





Nulli facile Eruditorum generi magis funesta hactenus fata fuere, quam Mathematicis, quorum principes quatuor, in Anglia *Joannes Wallisus*, in Gallia *Marchio Hospitalius*, *Joannes Christophorus Sturmus* in Germania, in Belgio *Joannes Huddenius*, intra sex fere mensium spatium, mortem cum vita commutarunt. Et *Joannes* quidem *Wallisus* superiori anno Oxonii, die 28 Octobris, diem obiit, cum ætatis annum ageret octogesimum septimum: ut adeo non tam deploranda sit mors ejus, quam gratiæ agendæ Numini, quod Virum perficiendæ Mathesi natum tanto tempore terris indulgere voluerit. In Cantabrigiensi Academia bonis literis ac Mathematicis imprimis scientiis imburus, cum in Oxoniensem inde digressus esset, jam A. 1649 Geometriæ Professor Savilianus constitui meruit, illamque spartam ex eo tempore ad vitæ usque finem ita ornavit, ut summi Mathematici nomen famamque per Europam omnem dudum fuerit consecutus. Nec minus ornamentum illustrissimæ Societatis Regiæ Anglicanæ fuit, quam cum paucis aliis fundavit primitus, & per omnem postea vitam inventis ac observatis insignibus sustinuit. Sed de eo plura dicere non attinet, cum exasciatam Viri eruditionem amplissima luculentissimaque, quæ Orbi Erudito reliquit, opera, separatim olim, dein annis 1693, 1695, 1699 junctim edita, & tribus spissis in folio, ut vocant, voluminibus comprehensa abunde testentur. Alterius vero ex

Quatuorviris nostris obitus tanto acerbior Literato Orbi accidit, quod in ipso ætatis flore vivis fuerit ereptus; de quo plura dicenda nobis sunt, quod non æque ac Wallisius, cunctis nostratium innotuerit. Est is Vir Illustrissimus, Marchio *Hospitalus*, Vice-Præses Academiae Regiæ Scientiarum Gallicæ eminentissimus, qui d. 2 Febr. anni currentis ad meliorem vitam transmigravit. Is jam per integrum Januarium mensem elanguerat, febris correptus nullatenus quidem decretoria, sed quam pridie mortis diei apoplexia excepit, in paralytin totius lateris sinistri desinens. Insequenti die, circa horam X matutinam, loquela destitui visus est, omniumque sensuum officio paulatim carere, usque ad VI vespertinam, qua spiritum reddidit, cum annos tres solum ultra quadraginta numeraret. De vira ejus, quam Viri cujusdam nobis amicissimi humanitati debemus, pauca adjicere lubet. Acceperat eam parentibus Anna II Hospitalio, Comite S. Mesmii &c. Primocerio Magistrorum Stabuli Gastonis Aurelianensium Ducis, & Elisabetha, Claudii Gobelini Consilarii Status Ordinarii, Magistri libellorum supplicum ac Quæstoris in exercitu Regis filia. In pueritia sua duos habuit Præceptores, quorum alter Mathematicis disciplinis operam locaturus libros hujus generis nonnullos sibi comparaverat, quibus Nostro quoque ardentissima versus studia hæcce propensio obvenerit, ita ut mortuo illo non cessaret, assidua eos evolvere manu. Cujus instituti successus fuit tam insignis, ut alter Præceptor, licet homo minime truncus, cum illis deliciis animum pariter appelleret, attingere ipsum haud valeret. Noster etenim, nullo præeunte Magistro, totum Mathematicum campum feliciter emetiebatur; hinc accidit, ut cum annos circiter XV natus apud Ducem Rohanii forte esset, Problema Pascalii de Rotula, (incertum quodnam) resolvendum aggrediretur, & cum applausu etiam expediret, mirantibus Celeberrimo Arnaldo, aliisque qui juvenilem temeritatem initio taxaverant. Ab ab tempore unice
in

in pulvere Mathematico defudavit, & nec fastidiosa aula sollicitudine nec militaribus functionibus inde se avelli unquam passus est, ut & in tentorio suo curam ei impenderit. Capitanei munus aliquandiu gessit in cohorte equitum pratoria, quod tamen abdicavit, propter debilitatem oculorum, qua valde laborabat, ut vexillum videre, aut homines ab altera compiti parte ipsum salutantes discernere potis non esset. Missis itaque castris, Mathematicas scientias noctes diesque tractare coepit, sed intemperantius quam valetudo imbecillis permittebat. Fama siquidem est, eum fata sua hac vivendi ratione precipitasse. Sane quanta fuerit ejus in hoc studio assiduitas, vel exinde dignoscere licet, quod cum propter frequentiores capitis dolores atque insomnia otium sibi imperare vellet, ultra quadriduum tamen nunquam a solitis lucubrationibus abstinerit. Id agendo ad summa penetravit, atque excellentissimus ævi nostri Geometra consensu omnium evasit, prout apparet e felici tot Problematum, tum in Actis nostris, tum alibi propositorum Analyfi, quibus enodandis pauci Mathematicorum vel primi ordinis suffecere. Quod non porro judicii acumen, quam invidendum cognitionis thesaurum non prodidit liber ejus *de Analyfi infinite parvorum* vulgatus? In quo viam ad intimos Geometriæ recessus monstravit, suppeditando singulis Geometris tot facillimas Methodos, quot propositiones continet. Præ manibus habebat opus elaboratum ad mentem Geometriæ Cartesii, sed magis absolutum & vastioris argumenti, quod pæne ad finem perductum, paucis ante excessum diebus affirmabat. Optandum igitur quam maxime foret, ut illud, quali quali demum facie ornatum, in publicam emitteretur lucem, siquidem & fragmentis Viri adeo illustris statuendum pretium. Uxorem duxerat Mariam Charlottam de Rommilley de la Chesnelaye, nunc viduam, e qua gnatum unicum & tres filias reliquit. Nomen vero & titulus ipsi erant: *Wilhelmus Franciscus Hospit alius, Eques, Marchio S. Mes-*

*mii & Monteleerii, Comes Aubremontii, Dominus d' Ouques, la
Chaise, le Beau aliorumque locorum.* Familiam ipsam quod at-
tinet, fertur ea a Galluciorum in Neapolitano Regno stem-
mate perquam nobili descendere, cuius propago fuerit Al-
phonfus quidam, qui a Dynastia Hospitalii, in Principatu ulte-
riori sita, cognomen sibi adsciverit, atque a Carolo II R. Neapol.
A. 1308 gratiam mercatus octiduanii ibidem instituendi im-
petraverit. Ejus e filio Friderico, regia affinitate claro, nepos
Johannes in Gallia fortunarum sedem stabilivisse, atque Hospi-
tarios, quotquot ibi jam degunt, profuisse dicitur. Cate-
rum Hospitalii dominium penes Moniales a S. Annunciatione
nuncupatas, quæ Neapoli vivunt, jam residet. Succedat *Jo.
Christophorus Sturmius*, Germaniæ nostræ decus ac ornamentum,
qui annos octo & sexaginta natus, postquam primum Dei-
ningæ Rhætoris Pastoris Ecclesiæ munere per quinquennium
functus esset, posteaque in Illustri Academia Altorfina per an-
nos triginta quatuor, Eclecticam philosophandi rationem se-
cutus, Mathematicas Scientias & Physicam publice docuisset,
anni proxime elapsi die 26 Decembris animam Deo reddidit.
Ejus eruditionem, & in Mathesi in primis præclara merita, tot
scripta loquuntur & schediasmata, quæ publici usus fecit, sum-
mo etiam ab exteris cum applausu excepta, ut longe lateque
famam nominis sui propagarit. Quæ quidem hic enume-
rare superfedemus, cum eorum pleraque in Eruditorum Actis,
quæ in hac urbe per mensium intervalla publicantur, fuerint re-
censita, partim etiam integra exhibita. Jacturam vero tanti
Viri eo æquiore ferimus animo, quod Filium reliquit Leon-
hardum Christophorum, Mathematicis studiis a pueritia innu-
tritum, eaque in Viadrina Illustri Academia publice hoc tem-
pore profitentem, quem, quod in Patre amisimus, redditurum
cum fœnore nulli dubitamus. Superest *Joannes Huddenius*,
Consul, dum viveret, Republicæ Amstelodamensis gravissimus,
mense proximo Aprili defunctus. Fuisse & illum infi-
gnena

gnem Mathematicum, vel Epistolæ ejus de Reductione Equationum & de Maximis ac Minimis, jam A. 1658 conscriptæ, & a Francisco a Schoten suis in Cartesii Geometriam commentariis annexæ, abunde comprobant. Ejus vero exemplo arguuntur isti, qui ex Mathematicarum scientiarum profundiori studio morosos homines, & ad res gerendas administrandæve Rempublicam ineptos reddi censent, cum didicisse fideliter Mathesin acuat potius ingenium, judiciumque ad solidam prudentiam civilem & solertiam sapienter prospiciendi, quæ ex usu publico sint, quæ minus, & quibus mediis felicitas cuique civitati procuranda sit, instruat. Neque per subtiliores Mathematicorum meditationes vim spirituum animalium infringi ac labefactari, adeoque accelerari mortem (quo prætextu solent quidam velare pigritiam, seque his studiis subducere) uti Wallisii exemplo jam supra patuit, quem octoginta & septem annos vixisse memoravimus, ita Huddenii quoque exemplo confirmatur, quem ipsum certum est octogenario majorem obiisse. Sed veniendum tandem ad rem est, cujus causa scripturam hanc aggressi sumus. Cum nimirum Viri - juvenes novem

I. Joannes Georgius Schneiderus,
Leucopetra - Misnicus.

II. Mauritius Carol. Christian. Woog,
Dahmensis-Saxo.

III. Gustavus Henricus Kelner,
Lipsiensis.

IV. Joannes Christophorus Bauer,
Mœlbinsensis-Misnicus.

V.

Q/117r 9410 x3047736

VD 18

V. **Carolus Gothofredus Zapfius**,
Cizenfis.

VI. **Bernardus Gottlieb Rosman**,
Marckrœlitio- Thuringus.

VII. **David Ebersbach**,
Suidnicio-Silefius.

VIII. **Melchior Schäfer**,
Lauba-Lufatus.


IX. **Joannes Jacobus Liebenvvald**,
Landshuta-Silefius.

ut primitiis honorum Academicorum, quas Baccalaureatus, nomine designamus, publice ornarentur, a Facultate Philosophica modeste petiissent, Facultas, postquam profectus illorum, in studiis Philosophicis consueto examine explorasset, minimeque deprehendisset contemnendos, non poruit non honestis eorum desideriiis annuere. Cui solennitati, die proximo Saturni post horam octavam matutinam peragenda, ut Magnificus Academiae Rector, utriusque Reipublicae Proceres atque Cives Academici, praesentia sua majus decus concilient, etiam atque etiam rogamus. P. P. Dominica Exaudi,

A. M DCC IV.

Typis FLEISCHERIANIS.





Farbkarte #13

B.I.G.

Q. R. 52726. ^{IV}
De vitis ^{IV} celeb. Mathemat. Joan. Wall
March. Hospitalii Jo. Chryph. Sturmii Et Jo. Hedd
L. D. B. V.

B. M. II 490



AD

SOLENNEM PANEGYRIN,

Qua

Die proximo Saturni post horam octavam matutinam

IX VIRI-JUVENES DOCTISSIMI

Honorum Academicorum primitiis,

Quas

PRIMAM

In

PHILOSOPHIA LAVREAM

VOCANT,

More consueto decorabuntur,

MAGNIFICUM ACADEMIÆ RECTOREM,

UTRISQUE REIPUBLICÆ PROCERES ET
ACADEMIÆ CIVES DECENTER INVITAT

FACULTATIS PHILOSOPHICÆ

DECANUS.

10.